

Алматы қаласы әкімдігінің "Алматы қаласы Туризм басқармасы" коммуналдық мемлекеттік мекемесі туралы ережені бекіту туралы" 2022 жылғы 7 қыркүйектегі № 3/443 қаулысына толықтырулар енгізу туралы

Алматы қаласы әкімдігінің 2025 жылғы 12 қыркүйектегі № 3/633 қаулысы

Алматы қаласының әкімдігі ҚАУЛЫ ЕТЕДІ:

1. Алматы қаласы әкімдігінің "Алматы қаласы Туризм басқармасы" коммуналдық мемлекеттік мекемесі туралы ережені бекіту туралы" 2022 жылғы 7 қыркүйектегі №3/443 қаулысына келесі толықтырулар енгізілсін:

"Алматы қаласы Туризм басқармасы" коммуналдық мемлекеттік мекемесі туралы ережедегі:

12 тармақ келесі мазмұндағы 10), 11) және 12) тармақшалармен толықтырылсын:

"10) арт-орталықтар, концерттік алаңдар және көпсалалы мәдени орталықтар форматында шығармашылық кеңістіктер құру;

11) қаланың тартымдылығын арттыру, "ивент-брендтерді", креативті индустрия өнімдерін және іс-шаралар өткізу және ілгерілету арқылы әлемдік кеңістікке интеграциялау;

12) Алматы қаласында креативті индустрияларды дамытудың тәуелсіз экономикалық болжамдарын әзірлеу."

14 тармақ мынадай мазмұндағы 52-4), 52-5), 52-6), 52-7) тармақшалармен толықтырылсын:

"52-4) қаланың креативті индустрияларын танымал ету бойынша жұмысты ұйымдастыру;

52-5) креативті шығармашылық процестер мен өндірістерді ынталандыру мақсатында шығармашылық кластерлермен, блогерлермен, бұқаралық ақпарат құралдарымен және стейкхолдерлермен ынтымақтастық орнату;

52-6) шығармашылық коворкинг-орталықтарды, клубтар мен қауымдастықтарды, шығармашылық студияларды, ұжымдық шығармашылыққа арналған кеңістіктерді, концерттік алаңдарды, көрме кеңістіктерін және т.б. ашу үшін жағдайлар жасау;

52-7) шығармашылық өнімді ілгерілету және коммерцияландыру мақсатында шығармашылық жобаларды дамытуға жәрдемдесу, сондай-ақ гранттық қолдау көрсету;

";

24 тармақ келесі мазмұндағы жаңа редакцияда жазылсын:

"24. "Алматы қаласы Туризм басқармасы" КММ қайта ұйымдастыру және тарату Қазақстан Республикасының заңнамасына сәйкес жүзеге асырылады.

"Алматы қаласы Туризм басқармасы" КММ қарамағындағы ұйымдар: "Алматы туризм бюросы (Almaty Tourism Bureau)" жауапкершілігі шектеулі серіктестігі және "Almaty Creative" креативті индустрияларды дамыту орталығы" жауапкершілігі шектеулі серіктестігі."

2. "Алматы қаласы Туризм басқармасы" коммуналдық мемлекеттік мекемесі (бұдан әрі – Мекеме) Қазақстан Республикасының заңнамасымен белгіленген тәртіпте:

1) Мекеменің құрылтай құжатына енгізілген өзгерістер туралы Алматы қаласының әділет органдарына хабарлауды;

2) осы қаулыны Қазақстан Республикасы Әділет министрлігінің "Қазақстан Республикасы Заңнама және құқықтық ақпарат институты" шаруашылық жүргізу құқығындағы республикалық мемлекеттік кәсіпорнына жариялауға жіберуді, Алматы қаласы әкімдігінің интернет-ресурсына ресми жариялау және орналастыруды қамтамасыз етсін;

3) осы қаулыдан туындайтын өзге де шараларды қабылдасын.

3. Осы қаулының орындалуын бақылау Алматы қаласы әкімінің жетекшілік ететін орынбасарына жүктелсін.

4. Осы қаулы алғаш ресми жарияланған күнінен бастап қолданысқа енгізіледі.

Алматы қаласының әкімі

Д. Сатыбалды